

Onderhavige motie wordt met algemene stemmen
aangenomen.

Motie 5

Eilandsraadverg. d.d. 26 feb '19
Voorzitter,

Griffier



Griffie ER Bonaire	
Ingek.:	FEB 26 2019
Volgnummer:	2019002208
Griffier:	Litv.:

MOSHON

Entrega pa:
Sr. Clark Abraham [Frakshon Demokrat]

Konseho Insular den Reunion riba 26 di febrüari 2019
den Sala di Passangrahan

KONSIDERANDO KU:

- komunidad Boneriano pa historia ta un komunidad di migrante ku di vários área, region òf pais a hasi Bonaire nan hogar;
- riba Bonaire pa historia i aktualmente e lenga franka ku ta wòrdu usa den bida priva i komersio lokal ta papiamentu;
- gran mayoria migrante ora nan yega Bonaire, e promé i úniko lenga ku nan ta siña i usa pa nan bida i labor diario na Bonaire, ta papiamentu;
- meskos ku tur migrante rònt mundu, despues di vários aña biba na un lugá, ser parti di un komunidad ku nan famia i yunan, nan ta deseá di apliká i risibí e nashonalidat di e komunidad ku nan i nan yunan ta parti di dje;
- apesar di no ti uso pe den nan bida òf labor diario prinsipal na Bonaire, pa por apliká pa e nashonalidat di Bonaire, ku ta e nashonalidat Hulandes, e migrante mester hasi e rekisitonan na e idioma di Hulandes ku nan no sa usa òf tin nesidat di dje pa por floresé na Bonaire;
- nos komo Boneriano nase aki na Bonaire, Kòrsou òf Aruba ta risibí nashonalidat Hulandes desde nasementu, tanten nos lenga materno ta papiamentu;
- e echo ku nos komo Boneriano ku lenga materno Papiamentu ta risibí nashonalidat Hulandes sin por papia òf komuniká na Hulandes, ta ilustrá ku idioma Hulandes no por ta un rekisito pa risibí nos nashonalidat;
- e nashonalidat Hulandes ta wòrdu kompartí pa Hulanda, Aruba, Kòrsou, Bonaire, St. Maarten, Saba i St. Eustatius, ta indikashon ku e nashonalidat ta un Nashonalidat di Reino i no di un solo Pais òf region den e Reino Hulandes;
- den Antia i ainda na Aruba i Kòrsou, migrantenan por hasi e rekisitonan nesario pa apliká i risibí nashonalidat Hulandes na papiamentu;
- si no ofresé e oportunitat pa migrantenan por hasi e rekisitonan nesario pa bin na remarke pa nos Nashonalidat na papiamentu, ta pone un restriksion inhustu i sin meta palpabel riba kohabitante di nos isla ku a skohe pa komprometé nan mes i kontribuí na nos komunidad;

TA DISIDI:

1. pa supliká Kolegio Ehekutivo pa formulá i stipulá un proposishon pa migrantenan por hasi tur rekisito pa apliká i risibí nashonalidat hulandes na e lenga franka di Bonaire ku ta papiamentu, i manda e proposishon menshoná pa Konseho Insular;



2. pa supliká Kolegio Ehekutivo drenta un diálogo ku e minister konserní pa adaptá e regla i prosedura nan vigente pa por hasi e proseso pa yega na Nashonalidat Hulandes den papiamentu posibel na Boneiru;
3. instruí Konseho Insular pa den nan reportahenan di kada kuartal, informá Konseho Insular riba e progreso di e kombersashon i palabrashonnan ku Minister konserní;
4. pa instruí Kolegio Ehekutivo pa den deliberashon ku e Ministerio konserní pa sòru pa hasi e proseso vigente transparente i klaro pa kada persona por sa kua ta e paso nan ku nan tin ku tuma na momento di petishon pa pèrmit di estadia i/of aplikashon i risibí nashonalidat na Bonaire;

I ta pasa pa órden di dia.

E moshon aki lo wòrdu referí komo: *'Moshon ofresé proseso pa migrante por yega na Nashonalidat Hulandes na Papiamentu'*

Sr. Clark Abraham
Lider di Frakshon 'Demokrat'
Konseho Insular Bonaire